





ბუფერულ მეხსიერებასთან მუშაობა

ხშირად მომხმარებლები, რომლებსაც სურთ ტექსტის ცალკეული ნაწილის და ფოტოს ახალ დოკუმენტში გადატანა, ბუფერში აგზავნიან ასლს, შემდეგ ახალ დოკუმენტში სვავენ, ისევ იღებენ ასლს, ისევ გადააქვთ ახალ დოკუმენტში და ა. შ. ზოგიერთი მათგანი თვლის, რომ Windows-ის ბუფერულ მეხსიერებაში განთავსდება მხოლოდ ბოლო ასლი ან გამოსახულება. ეს ასე არ არის.

Windows-ში არის ბუფერულ მეხსიერების ბოლო 20 ჩანაწერთან სამუშაო სავსებით ნორმალური ჩაშენებული მექანიზმი - Clipboard. მისი გამოძახება ხდება კლავიშთა <Win>+<V> კომბინაციით. ჩუმათობის პრინციპით ეს მექანიზმი გამორთულია და მისი პირველი გამოძახების შემდეგ თქვენ მის ჩართვას შემოგთავაზებენ. ამის შემდეგ მუშაობის პროცესში თქვენ ყოველთვის შეგიძლიათ ხელი დააჭიროთ <Win>+<V> კლავიშთა კომბინაციას და მიიღოთ ბოლოს შესრულებული ტექსტისა და გამოსახულებების ასლების სია.



სურ. 9. ბუფერული მეხსიერება - Clipboard.

თუ თქვენ გსურთ, რომ რომელიმე ჩანაწერი ბუფერული მეხსიერების გასუფთავების შემდეგ არ წაიშალოს და ისევ დარჩეს ბუფერში, მაშინ აირჩიეთ  - Pin item ნიშნაკი; თუ გვინდა ბუფერული მეხსიერების სრულად გასუფთავება აირჩიეთ  ღილაკი, ხოლო ცალკეული ასლების წაშლის მიზნით ამ ასლი -  - see more ნიშნაკზე მაუსით დაწკაპუნების შემდეგ მის




გვერდით გახსნილ სიაში აირჩიეთ  - Delete ღილაკი (სურ. 10).

ბუფერში ტექსტის კოპირების და ბუფერიდან ტექსტის ჩასმის დროს მასთან ერთად მისი გაფორმებაც გადადის (შრიფტის ტიპი, ზომა, ფერი და სხვა). თუ ჩვენ გვსურს მხოლოდ ტექსტის ჩასმა ყოველგვარი გაფორმების გარეშე, მაშინ ასლი - **Ctrl+V** - see more ნიშნაკზე მაუსით დაწკაპუნების



შემდეგ იქ გამოჩნდება - **Paste as Text** მხოლოდ ტექსტის ჩასმის პიქტოგრამა გაფორმების გარეშე (სურ. 10).



სურ. 10.

ზოგადად Windows-ის Clipboard - ბუფერულ მეხსიერებაში კოპირებისა და ჩასმისათვის უფრო მოსახერხებელია **Ctrl+C** (**Ctrl+Insert**) და **Ctrl+V** (**Shift+Insert**) კლავიშთა კომბინაცია.

ხოლო, იმისათვის, რომ მოვახდინოთ კოპირებული ჩვეულებრივი ტექსტის ჩასმა გაფორმების გარეშე **Ctrl+Shift+V** კლავიშთა კომბინაცია.

ეკრანის ანაბეჭდების გადაღება

მუშაობის პროცესში ხშირად საჭიროა ეკრანის ანაბეჭდების (სქრინშოტი) გადაღება - მთელი ეკრანის ან მისი ნაწილის გამოსახულების შენახვა. Windows-ში ამისათვის არსებობს ჩაშენებული საშუალება Snipping Tool (მაკრატელი), ამასთან Windows-ის ადრეულ ვერსიებში მისი გამოძახება ხდებოდა სასტარტო მენიუდან ან კლავიშთა კომბინაციით, Windows 11-ში მისი გამოძახება **Print Screen** კლავიშზე ხელის დაჭერით ხდება. ამასთან, ეკრანის ზედა ცენტრალურ ნაწილში გაჩნდება მე-11 სურათზე მოცემული პოქტოგრამებიანი პანელი.




სურ. 11. Snipping Tool პანელი

- პირველი პიქტოგრამა - მაუსის საშუალებით შემოხაზული მართკუთხედის ფორმის ეკრანის ნაწილის შენახვა;

- მეორე პიქტოგრამა - მაუსის საშუალებით შემოხაზული რთული ფორმის ეკრანის ნაწილის შენახვა;
- მესამე პიქტოგრამა - შერჩეული ფანჯრის ეკრანის ანაბეჭდის შენახვა (გამოიყენება ყველაზე ხშირად);
- მეოთხე პიქტოგრამა - მთელი ეკრანის შენახვა.

შენახული გამოსახულებები მეხსიერების ბუფერში მოხვდება. ასევე, შენახვის მომენტში მარჯვენა ქვედა კუთხეში გამოჩნდება შეტყობინება ეკრანის ანაბეჭდის შენახვის შესახებ და თუ ამ შეტყობინებაზე მაუსით დავაწკაპუნებთ, მაშინ ეკრანზე გაიხსნება სპეციალური რედაქტორი, სადაც თქვენ შეგეძლებათ ეკრანის ანაბეჭდზე სხვადასხვა მოქმედებები განახორციელოთ (სურ. 12).




სურ. 12. Snipping Tool-ის რედაქტორის ფანჯარა

ეს რედაქტორი საკმაოდ განვითარებულია. შეგიძლიათ ეკრანის ანაბეჭდის ცალკეული ნაწილების ამოჭრა, მასზე წარწერის გაკეთება, ეკრანის ანაბეჭდის დემონსტრირებაც, მოკლე ვიდეოს შექმნა და შენახვაც კი. ასევე, შეგიძლიათ ეკრანის ანაბეჭდი იქიდან პირდაპირ ატვირთოთ Paint-ის გრაფიკულ რედაქტორში დასამუშავებლად.

ასევე არის გამოსახულების ტექსტთან მუშაობის საინტერესო შესაძლებლობა. თუ დააჭერთ




- Text actions („ტექსტთან მუშაობა“) ღილაკს, რედაქტორი შეარჩევს სურათზე არსებულ ყველა ტექსტურ ბლოკს და ნებისმიერი მათგანის, როგორც ჩვეულებრივი ტექსტის, კოპირება შესაძლებელი იქნება ბუფერში (სურ. 13).



სურ. 13.


სმაილები და სპეციალური სიმბოლოები

Windows 11-ში არის ჩაშენებული სისტემა, რომელიც საშუალებას გაძლევთ, რომ ჩასვით ტექსტური და გრაფიკული სმაილები, GIF-ები და სხვადასხვა სპეციალური სიმბოლოები. ამ სისტემის გამოძახება ხდება <Win>+<. > კლავიშთა კომბინაციით (სურ. 14).




სურ. 14. სმაილებისა და სპეციალური სიმბოლოების ძირითადი ფანჯარა

ამასთან, სმაილის პიქტოგრამაზე მაუსის დაწკაპუნებით სმაილების სრული ნაკრები გაიხსნება, რომელიც საკმაოდ დიდია (სურ. 15).




სურ. 15. სმაილების ამოსარჩევი ფანჯარა


ასევე იქვე არის სხვადასხვა კატეგორიებად დაყოფილი ანიმაციური GIF-ფაილების დიდ ნაკრები (სურ. 16).



სურ. 16. ანიმაციური GIF-ფაილების ამოსარჩევი ფანჯარა




აი, მაგალითად ეს GIF-ფაილებიდან ამორჩეული ერთ-ერთი ფაილი - იქვე არის კიდევ მრავალი ტექსტური სმაილები (სურ. 17).




სურ. 17. ტექსტური სმაილები

ასევე ყველანაირი სპეციალური სიმბოლოები - ეს ყველაფერი შეიძლება ძალიან სასარგებლო იყოს: მაგალითად, ევროს ნიშანი, საავტორო უფლებები, გრადუსი ცელსიუსი და ა. შ. ასევე არის მათემატიკური სიმბოლოების ცალკე განყოფილება - ყველანაირი წილადებით და ა. შ. (სურ. 18).




სურ. 18. სპეციალური სიმბოლოები

სამუშაო მაგიდისა და ფანჯრების გაფორმება

სამუშაო მაგიდისა და ფანჯრების გაფორმების მიზნით მაუსით დავაწკაპუნოთ Start ლილაკზე ან ხელი დავაჭიროთ Windows კლავიშს, გახსნილ Start მენიუში ავირჩიოთ  - Settings ლილაკი ან გამოვიყენოთ <Win>+<I> კლავიშთა კომბინაცია და გახსნილ დიალოგურ ფანჯარაში ავირჩიოთ Personalisation ბრძანება, ან სამუშაო მაგიდის თავისუფალ ადგილზე მაუსის მარჯვენა კლავიშით გავხნათ კონტექსტური მენიუ და ჩამოშლილ სიაში ავიჩიოთ Personalisation ბრძანება,

გაიხსნება შესაბამისი ფანჯარა (სურ. 19), რომლის მარცხენა გვერდით პანელზე მოცემულია ასარჩევი პარამეტრების (System, Bluetooth & devices, Network & internet, Personalisation, Apps, Accounts და სხვა) ჩამონათვალი და მთავარი პანელი, რომელზეც ასახულია სამუშაო მაგიდის არსებული ფონი და პერსონალიზაციის პარამეტრების ბმულებს პერსონალიზაციის კატეგორიებზე სწრაფი გადასვლისათვის.


ეს კატეგორიებია, Background - ფონი, Colours - ფერები, Themes - თემები, Lock screen - დაბლოკვის ეკრანი, Text input - ტექსტის შეყვანა, Start - სასტარტო მენიუ და Taskbar ამოცანათა პანელი (იხ. თავი ამოცანათა პანელის მომართვა).



სურ. 19. Personalisation დიალოგური ფანჯარა

სამუშაო მაგიდის ფონის შერჩევა

გახსნილ ფანჯარაში ავირჩიოთ Background ჩანართი, რის შემდეგაც გაიხსნება Personalisation-Background ფანჯარა (სურ.20).



სურ. 20. Personalisation-Background დიალოგური ფანჯარა


Personalisation-Background ფანჯარა ეს არის სამუშაო მაგიდის ფონის პარამეტრების ფანჯარა, სადაც ნაჩვენებია მიმდინარე ფონი ან ეკრანზე განსათავსებელი გამოსახულების, ან ეკრანის ფერის ან სლაიდშოუს არჩევის პარამეტრები მათი წინასწარი დათვალიერების შესაძლებლობით.

აქ თქვენ შეგიძლიათ აირჩიოთ სამუშაო მაგიდის ფონის ტიპი:

- გამოსახულება: ეკრანის ფონისათვის გამოიყენეთ ერთი გამოსახულება;
- სოლიდური ფერი: ეკრანის ფონისათვის აირჩიეთ ერთი ტონის ფერი;
- სლაიდ-შოუ: აირჩიეთ რამდენიმე გამოსახულება, რომლებიც ერთმანეთს რიგ-რიგობით შეცვლის.

საკუთარი ფაილებიდან ახალი გამოსახულების ასარჩევად გამოიყენეთ Browse photos ღილაკი.

Choose a fit განყოფილებაში აირჩიეთ, თუ როგორ განთავსდეს გამოსახულება თქვენს ეკრანზე (Fill - შევსებული, Fit - ეკრანზე მორგებული, Stretch - გადაჭიმული მთელს ეკრანზე, Tile - მოზაიკურად, Center - ეკრანის ცენტრში, Span - გაშლილი მთელს ეკრანზე).



სურ. 21. Personalisation-Colours დიალოგური ფანჯარა

ეკრანის ფერის პარამეტრების შერჩევა


თუ გვინდა შევცვალოთ ეკრანის ფერის პარამეტრები, მაშინ Personalisation დიალოგური ფანჯარაში ავირჩიოთ Colours ჩანართი, რის შემდეგაც გაიხსნება Personalisation-Colours ფანჯარა (სურ.21). მოცემული ფერების პარამეტრების შერჩევის ფანჯარა საშუალებას გვაძლევს ავირჩიოთ ეკრანის ღია ან მუქი რეჟიმი, გამჭვირვალობის გადამრთველი და ფერის არჩევის რეჟიმი.

ფერების პარამეტრების მომართვა შეიძლება შემდეგნაირად განვახორციელოთ:

- Choose your mode განყოფილებაში ავირჩიოთ სასურველი რეჟიმი: Light - ღია ფერის, Dark - მუქი ფერის, ან Custom - მომხმარებლის რეჟიმი;
- Transparency effects განყოფილებაში on - ჩავრთოთ ან off - გამოვრთოთ გამჭვირვალობის ეფექტი;
- Accent color განყოფილებაში ავირჩიოთ manually - ხელით არჩევის რეჟიმი, ან automatically - საშუალება მივცეთ Windows-ს ფონის ფერი ავტომატურად შეარჩიოს;
- და ბოლოს შევარჩიოთ თუ რომელი ობიექტისათვის (Start მენიუ, taskbar - ამოცანათა პანელი, title bars - ფანჯრის სათაური და სხვა) გამოიყენოს არჩეული რეჟიმი.

თემების შერჩევა

თემების პარამეტრების მომართვის მიზნით Personalisation დიალოგური ფანჯარაში ავირჩიოთ Themes ჩანართი, რის შემდეგაც გაიხსნება Personalisation-Themes ფანჯარა (სურ.22).




სურ. 22. Personalisation-Themes დიალოგური ფანჯარა

გახსნილ ფანჯარაში არის თემების გვერდი, სადაც ჩამოთვლილია დაინსტალირებული თემები წინასწარი ხედებით და ლილაკებით, თემების შესანახად ან ჩამოსატვირთად. თემის შესაცვლელად:


- აირჩიეთ თემა ხელმისაწვდომი თემებიდან, რომლებიც ცვლის ფონს, ფერს, ხმას და მაუსის კურსორს;
- გამოიყენეთ შესაბამისი ლილაკები თქვენი მიმდინარე თემის შესანახად ან ახალი თემების Microsoft Store-დან ჩამოსატვირთად (სურ. 23).

გახსნილ Personalisation-Themes ფანჯარაში თუ ხელს დავაჭერთ Desktop icon Settings ბრძანებას, მაშინ გაიხსნება Desktop Icon Settings დიალოგური ფანჯარა (სურ. 24). მომხმარებლის სურვილის მიხედვით ამ ფანჯრის Desktop icon ველში შეგვიძლია მოვნიშნოთ სამუშაო მაგიდაზე განსათავსებელი პიქტოგრამები (This PC, Recycle Bin და სხვა).

თუ მოცემულ ფანჯარაში ხელს დავაჭერთ Change Icon... ლილაკს, მაშინ გახსნილ Change Icon დიალოგურ ფანჯარაში შეგვიძლია ავირჩიოთ საჭირო პიქტოგრამა, ან Restore Default ლილაკით აღვადგინოთ მათი სტანდარტული ფორმა.



სურ. 23. Microsoft Store დიალოგური ფანჯარა




სურ. 24. Desktop icon Settings დიალოგური ფანჯარა

ეკრანის დაბლოკვის პარამეტრების მომართვა

ეკრანის დაბლოკვის რეჟიმი ეს არის ეკრანი, რომელსაც მომხმარებელი ხედავს კომპიუტერის ჩართვის ან Sleep - „ძილის“ რეჟიმიდან გამოსვლის დროს მისი სისტემაში შესვლამდე. ამ რეჟიმის პარამეტრების მომართვა თქვენს კომპიუტერს უფრო პერსონალურს და სასარგებლოს გახდის.

ეკრანის დაბლოკვის რეჟიმის მომართვისათვის Personalisation დიალოგური ფანჯარაში ავირჩიოთ Lock Screen ჩანართი, რის შემდეგაც გაიხსნება Personalisation- Lock Screen დიალოგური ფანჯარა (სურ. 25).



სურ. 25. Personalisation-Lock Screen დიალოგური ფანჯარა

Lock screen ფონი ასარჩევად **Background** ჩამოშლად სიაში სამი ძირითადი ვარიანტიდან აირჩიეთ ერთ-ერთი:

1. Windows Spotlight:

- ეს ოფცია მონაცვლეობით აჩვენებს Microsoft-ის მიერ მოწოდებული ლამაზი სურათებს;
- სურათები რეგულარულად იცვლება და შეიძლება წინადადებებს ან რჩევებს შეიცავდეს;
- თუ რომელიმე სურათი მოგწონთ, შეგიძლიათ დააწკაპუნოთ გულის ნიშნაკზე **Lock screen**-ზე თქვენი რჩეულის შესანახად.

2. Picture:

- საშუალებას გაძლევთ დააყენოთ მომხმარებლის ერთი სურათი თქვენი **Lock screen**-ის ფონად;
- დააწკაპუნეთ **Browse photos** - ფოტოების დათვალიერებაზე და აირჩიეთ თქვენს კომპიუტერში შენახული ნებისმიერი სურათი.

3. Slideshow:

- აირჩიეთ ეს ვარიანტი, რომ მიუთითოთ ის საქაღალდე, რომელიც რამდენიმე სურათს შეიცავს;
- Windows ციკლის რეჟიმში გამოიტანს სურათებს თქვენი **Lock screen**-ის ფონად;
- თქვენ ასევე შეგიძლიათ დაამატოთ ან წაშალოთ საქაღალდეები **Add a folder** ღილაკზე დაწკაპუნებით.


Lock screen-ის სტატუსის აპლიკაციის მომართვა:

- ფონის პარამეტრების ქვეშ, თქვენ იხილავთ **Lock screen status** განყოფილებას;
- პირდაპირ **Lock screen**-ზე საჩვენებლად შეგიძლიათ აირჩიოთ სწრაფი სტატუსის აპლიკაცია (მაგალითად, ამინდი, კალენდარი ან ფოსტა)
- დააჭირეთ + ნიშნაკს **Choose an app to show detailed status** პუნქტის ქვეშ, რათა აირჩიოთ სასურველი აპლიკაცია;
- ასევე შეგიძლიათ აპლიკაციებს დაავალოთ სტატუსის შესახებ სწრაფი შეტყობინება (უფრო პატარა ნიშნაკები) საჩვენებლად, როგორიცაა შეტყობინებები ან სისტემური გაფრთხილებები.

Lock screen-ის დამატებითი პარამეტრების მომართვა:

- ჩართეთ ან გამორთეთ პარამეტრი **Show the lock screen background picture on the sign-in screen**;
 - ჩართვის შემთხვევაში, **Lock screen**-ის სურათი გამოჩნდება შესვლის დროს მოთხოვნის უკან;
 - გამორთვის შემთხვევაში, შესვლის ეკრანს ექნება უბრალო ფონი.
- მართეთ **Screen timeout** პარამეტრი Power & battery განყოფილებაში, თუ გსურთ გააკონტროლოთ დრო, რა დროც დასჭირდება თქვენი ეკრანის დაბლოკვას ან გამორთვას.

ეკრანის სწრაფი დაბლოკვისათვის შეგიძლიათ გამოიყენოთ <Win>+<L> კლავიშთა კომბინაცია.

ასევე შეგიძლიათ ძაბნის ველიდან მოძებნოთ და გახსნათ  - **Sign-in options** - შესვლის პარამეტრების მომართვა და დააყენოთ კომპიუტერში შესვლის თქვენთვის სასურველი პარამეტრები (მაგალითად, სისტემში შესვლის PIN კოდი, პაროლი ან ბიომეტრიული მოთხოვნა და სხვა).


ტექსტის შეტანის პარამეტრების მომართვა

ტექსტის შეტანის პარამეტრების მომართვის საშუალებით ხდება ტექსტის შრიფტის შერჩევა, ტექსტის ავტომატური კორექციისა და მოკარნახის ჩართვა-გამორთვა.

ტექსტის შეტანის პარამეტრების მომართვისათვის Personalisation დიალოგური ფანჯარაში ავირჩიოთ Text Input ჩანართი, რის შემდეგაც გაიხსნება Personalisation-Text Input დიალოგური ფანჯარა (სურ. 26).

გახსნილ დიალოგურ ფანჯარაში ავირჩიოთ:

- ეკრანის კლავიატურის იერსახის მომართვისათვის (ტექსტის თემები, შრიფტი, ფერი და ზომა) გამოიყენება Text Input დიალოგური ფანჯარის Theme - ველი;
- არასწორად დაწერილი სიტყვების ავტომატურად შესწორების რეჟიმისათვის ჩავრთოთ ან გამოვრთოთ Autocorrect misspelled words რეჟიმი;
- ტექსტური მოკარნახის რეჟიმისათვის ჩავრთოთ ან გამოვრთოთ Text suggestions რეჟიმი.




სურ. 25. Personalisation-Text Input დიალოგური ფანჯარა

სასტარტო მენიუს პარამეტრების მომართვა







Start - სასტარტო მენიუს მომართვა ძირითადად On და Off გადამრთველების საშუალებით ხორციელდება, სასტარტო მენიუმში გამოჩნდეს თუ არა ბოლო დროს დამატებული დანართები, განსაკუთრებით ხშირად გამოყენებული დანართები, ბოლო დროს გახსნილი ელემენტები და საქაღალდეების იარლიყები, ასევე შეგვიძლია შევარჩიოთ რომელი საქაღალდეები გამოჩნდეს კვების ღილაკის გვერდით (Documents, Downloads, Settings და სხვა).

გახსნილ Personalisation ფანჯარაში ავირჩიოთ Start ჩანართი, რის შემდეგაც ეკრანზე გაიხსნება Personalisation-Start ფანჯარა (სურ.26).



სურ. 26. Personalisation-Start დიალოგური ფანჯარა

Start მენიუს მომართვის საშუალებით შეიძლება ჩავრთოთ ან გამოვრთოთ შემდეგი პარამეტრები:

-  Show recently added apps - ბოლო დროს დამატებული აპლიკაციების ჩვენება;
-  Show the most used apps - ყველაზე ხშირად გამოყენებული აპლიკაციების ჩვენება;
-  Show recently opened items in Start, Jump Lists, and File Explorer - ბოლო დროს გახსნილი ელემენტების Start მენიუში, გადასვლის სიებსა და ფაილების გზამკვლევში ჩვენება;
-  Show recommendations for tips, shortcuts, new apps, and more - რჩევების, მალსახმოებების, ახალი აპლიკაციების და სხვა რეკომენდაციების ჩვენება;
-  Show account related notifications occasionally in Start. When off, required notifications are still shown - ანგარიშთან დაკავშირებული შეტყობინებების პერიოდულად ჩვენება Start-ში, ამ რეჟიმის გამორთვის შემთხვევაშიც კი, საჭირო შეტყობინებები კვლავ გამოჩნდება;
-  Folders. These folders appear on Start next to the Power button საქალაქდები. ეს საქალაქდები გამოჩნდება Start-ში ჩართვის ლილავის გვერდით.

ფონტების პარამეტრების მომართვა


ფონტების პარამეტრების მომართვის დანიშნულება:

1. **ფონტების მენეჯმენტი** - დაგეხმარება უკვე დაინსტალირებული ფონტების ნახვაში, მართვასა და წაშლაში;
2. **ახალი ფონტების დამატება** - მარტივად შეგიძლია ახალი შრიფტების ჩატვირთვა დიზაინის ან ტექსტური სამუშაოებისთვის;
3. **პერსონალიზაცია და ვიზუალური ცვლილებები** - კონკრეტული ფონტების გამოყენება Windows თემებში, დიზაინში ან აპლიკაციებში;
4. **დეველოპერებისა და დიზაინერებისთვის სასარგებლო ხელსაწყო** - დეტალური ინფორმაცია თითოეული ფონტის შესახებ, Unicode მხარდაჭერა, ლიცენზია და სტილები.



ფონტის პარამეტრების მომართვისათვის Personalisation დიალოგური ფანჯარაში ავირჩიოთ Fonts ჩანართი, რის შემდეგაც გაიხსნება Personalisation-Fonts დიალოგური ფანჯარა (სურ. 27).

ფონტების პარამეტრების მომართვის ფანჯრის საშუალებით შეგიძლიათ განახორციელოთ შემდეგი მოქმედებები:

- **Available fonts** - ნახო ყველა დაინსტალირებული ფონტი - თითოეული ფონტი წარმოდგენილია ვიზუალურად, მისი მაგალითით;
- **Type here to search** - შეასრულო ძებნა ფონტების მიხედვით - შეგიძლია მოძებნო კონკრეტული ფონტი სახელით;
- **მაუსით დააწკაპუნოთ ფონტზე და იხილო მის შესახებ დეტალური ინფორმაცია**, მაგალითად: შრიფტის ვერსია, ლიცენზიის ტიპი და ამ შრიფტის სხვადასხვა სტილები (Bold, Italic, Regular და ა.შ.);



სურ. 27. Personalisation-Fonts დიალოგური ფანჯარა

- Browse and install fonts - ღილაკით დააყენო ახალი ფონტები - (Drag font files from File Explorer or your desktop and drop them here to install fonts on your device - შრიფტების ფაილები, ფაილების მკვლევარიდან ან თქვენი სამუშაო მაგიდიდან გადაიტანეთ და აქ ჩააგდეთ თქვენს მოწყობილობაზე შრიფტების დასაყენებლად)  Drag and drop to install ველში გადაათრიეთ .ttf ან .otf ტიპის ფაილი და ავტომატურად მოხდება მისი დაინსტალირება;
-  Get more fonts in Microsoft Store - ბმულის გამოყენებით შეგიძლია ჩამოტვირთო დამატებითი ფონტები.